

nju antagonizma prema glavnom gradu BiH. Sporenja oko (ne)nadležnosti u vezi smještaja izbjeglica-migranata, prebacivanjem odgovornosti sa lokalnog na državni nivo i obratno rezultiralo je jedinstvom Kladuškog senata u nehumanosti. Situacija u kojoj nebrojni Kladašćani već nekoliko mjeseci brine oko nekoliko stotina izbjeglica-migranata kristaliziralo je nove podjele. Kladašćani u skladu sa svojim tradicionalno pozitivističkim naslijeđem (gostoprимljivost, bogobojaznost, solidarnost...) nastoje olakšati situaciju sa izbjeglicama - migrantima i time pomoći državi da ispunjava svoje međunarodne obaveze, a lokalna vlast (Vijeće i načelnik) krše ljudska prava i manifestuju nehumanizam.

Dok se Kladašćani međusobno glođu, ministar sigurnosti nabija dnevnicе i putne troškove oko smještaja, izbjeglice - migranti žive u uslovima koji nisu dostojni čovjeka. Zloupotreba izbjeglica-migranata oko korupcije koja caruje u Velikoj Kladaši (vidi revizorski izvještaj od drugog jula 2018. za Budžet 2017.) tek će se čuti?

Kad su u pitanju izbjeglice u Velikoj Kladaši trijumfira ljudskost naroda, dok izabrana vlast (vijećnici i poneki savjeti mjesnih zajednica) vrluda između nehumanosti i kršenja ljudskih prava pokušavajući nametnuti migrantsku krizu koja će to i postati ovakvim oklijevanjima korumpirane vlasti na svim nivoima koje su fokusirane na tuđe (najavljene sume za izbjeglice) novce i kako ih očerupati za vlastite potrebe.

Za godinuipol mandata lokalna vlast Velike Kladaše osim Dokumenta okvirnog budžeta 2018 - 2020. nije donijela očekivane strate-



Snježna Galić, portparol MUP-a USK-a, 12.04.2018. godine

ške odluke (revizija Strategije razvoja 2014-2023., Izmjene-dopune dokumenata prostornog planiranja,..) niti je problemski sagledala i donijela neophodne akte oko aktuelnih tekućih pitanja (projekt kanalizacije i prečišćavanja, poboljšanje položaja poljoprivrednika i preduzetnika, problemi mladih,..).

Vrijedna lokalna organoleptička poboljšanja (urednost grada, azil za pse lualice, vanjske kulturno sportske manifestacije...) se populistički opjevavaju, a situacija sa izbjeglicama-migrantima koristi za nefunkcionisanje Općinskog vijeća i bahato raspolaganje budžetom.

Opozicione stranke su se slizale sa *Laburističkom strankom* oko nehumanosti, a preletači iskočili iz koalicije radi pozicije na izbornim listama za oktobar 2018.

Na području Velike Kladaše već duže vremena se promovise i kukavički prešućuje Koncept *Unaprijedimo Kladašu zajedno* koji za sada nema alternative!

P.S.: Konstatacije, mišljenja, stavovi prezentovani u ovom medijskom proizvodu nisu i ne moraju biti podržani i suglasni sa brendiranim organizacijama.

Velika Kladaša, 08.08.18. povodom 23-godišnjice „oslobođenja“!

Ramo HIRKIĆ, analitičar-publicista

Sažetak ostvarenja projekta

Kritički osvrt sa fokusom na viziju budućnosti

Osnovni cilj projekta bio je da prezentuje više kvantitativno kvalitativnih činjenica koje utječu na kladaške (ne)prilike sa ciljem pojačanog interesa Kladašćana za većom participacijom u društvenom životu kroz primjerniji građanski aktivizam. Kao doprinos približavanju navedenom cilju publikovani su predviđeni medijski sadržaji koje je na portalu www.reprezent.ba primjetilo više od 20 hiljada posjetilaca.

Analizu dometa projekta treba posmatrati u okviru Koncepta „*Unaprijedimo Kladašu zajedno*“ i u kontekstu aktualnog ambijenta koji je snažno obilježen postepenim dolaskom više stotina izbjeglica na područje Velike Kladaše čime je ukupna društvena situacija nenadano postala mnogo složenija i izazovnija. Ambijent polovinom 2018. uzburkan je gubitkom većine u Općinskom vijeću te pojavom „negativnog mišljenja“ o Budžetu za 2017. od strane Ureda za reviziju FBiH. Kontekst vremena (april-jul) i prostora (oko jedne trećine teritorije općine) u kojem se broj izbjeglica kretao od nekoliko stotina (april 2018. do oko jedne hiljade (početak jula 2018.)) impliciralo je doda-

tnu angažovanost nosioca projekta. Medijski sadržaji publikovani u okviru ovog Projekta su svojevrsni rudnik, ideja, vizija, konkretnih prijedloga i ostalih podloga koje mogu poslužiti u budućim izmjenama dopunama-revizijama strateških dokumenata Općine Velika Kladaša, kao i za uspješnije djelovanje civilnih udruženja. U suštini radi se o društvenim promjenama koje su po svojoj prirodi veoma složene, a prvi koraci su zagovaranja i lobiranja. Medijski sadržaji publikovani u okviru ovog projekta su na lokalnom nivou prezentovali postojeću situaciju onakvu kakva ona jeste i ponudili „lepezu“ razmišljanja oko unapređenja sa fokusom šta, koga, zašto mijenjati. U praktičnom smislu radi se o više relevantnih politika (razvojna, socijalna, obrazovno-kulturna, sportska...) pa valja imati na umu „aksiom“ **Johna Adamsa**: „Politika je labirint bez putokaza“!

Tokom prebiranja i selekcije bibliografije, izvora analitičko dokumentacione osnove za pojedine teme, prikupljene su dragocjene informacije koje omogućuju formulisanje „problemskog stabla“ za svako od strateških pitanja Velike Kladaše. Proces od sadašnjeg hiro-



Sa dodjele grantova USAID-a i CPCD-a